

聽秋聲館詞話

聽秋聲館詞話卷四

無錫丁紹儀杏舫

馮柳東大令太常引云落花一院雨絲絲。無計挽春歸。縱使挽春歸。已誤了鶯期燕期。○紅闌十二。畫簾廿四。長定是相思。何苦苦相思。翻悔了。當時見時。項蓮生鰈。尹客中聞歌亦倚前調云杏花開了燕飛忙。正是好春光。偏是好春光。這幾日。風淒雨涼。○楊枝飄泊。桃花嬌小。獨自箇思量。剛待不思量。吹一片簫聲過牆。二詞同一機杼。然二人同時必非相襲。鰈尹又有臨江仙云有限春宵無限夢。夢回依舊難留。淚珠長傍枕函流。書來

三月尾燈盡五更頭。○見說而今容易病。日高還掩妝樓。桃花臉薄不禁羞。瘦應如我瘦。愁莫向人愁。較史梅溪瘦。應因此瘦。羞亦爲郎羞。句思致尤婉。離尹名鴻祚。錢塘人曾官閩中。楊卧雲中翰藏其憶雲詞。爲人假去。屢索無還。嗣經鍾仲山觀察覓以見示。菩薩蠻云。如今不合江南住。江南處處多風雨。煙雨晚霏霏。冶游人未歸。○犀株防膽怯。玉筍柔藍浥。愁似暗潮生。自生還自平。謁金門云。留不得。留也不過今日。今日雲帆天咫尺。明朝何處覓。○江上潮平風急。吹斷幾聲殘笛。獨倚小樓寒側側。欲眠燈又黑。冬夜聞南隣笙歌達曙。玉漏遲。

云病多歡意減。空篝素被。伴人悽惋。巷曲誰家。徹夜錦
堂高譙。一片氍毹月冷。料燈影。衣香烘暖。嫌漏短。漏長
卻在。者邊庭院。○沈郎瘦。已經年。更嬾拂冰絲。賦情難
遣。總是無眠。聽到笛慵簫倦。咫尺銀屏笑語。早檐角。驚
烏啼亂。殘夢遠。聲聲曉鐘敲斷。秋聲水龍吟。云西風已
是難聽。如何又著芭蕉雨。泠泠暗起。淅淅漸緊。蕭蕭忽
住。候館疎砧。高城斷鼓。和成淒楚。想亭皋木落。洞庭波
遠。渾不見。愁來處。○此際頻驚倦旅。夜初長。歸程夢阻。
砌蛩自嘆。邊鴻自唳。翦燈誰語。莫便傷心。可憐秋到。無
聲更苦。滿寒江。賸有黃蘆萬頃。捲離魂去。

楚中人士鮮工倚聲道光初天門劉孝長

清張瑋公其

莫始相與爲詞監利蔡黃樓

偶

起而應之惜皆宗法蘇

辛不甚純粹劉有雲中詞不寐滿江紅云卧數更籌千里外霜沉月黑寒夜永鴛衾翠帳總成虛設旅鬢暗催人老大離心長繞天南北恁百般圖取暫時眠何曾得○玉臺影經年別玉簫恨三年隔便重逢誰似舊時顏色燕子不來書未寄琵琶解語絃應切祇一燈分照滿天涯同爲客張有用山詞春草蘇幕遮云颺絲天飛絮日雨後芊芊一抹晴煙織千里關山勞目極塞北江南處處傷心碧○籠堤平鋪徑密換卻燒痕染盡青青汁

無那王孫征轡疾。怨入東風。日暮長亭笛。蔡字季舉卽
以黃樓名詞定風波云生就盈盈掌上珠。更無卽伴小
姑居。問訊芳齡今幾許。細數。鸞鸞眉子破瓜初。○家在
十三樓畔住。歸去。神仙黃鶴借何如。天下傷心何處訴。
歧路。才人廝養最憐渠。白鷺湖口遇雨解珮令云無聊
詩思無端別思。鎮撩人。淒涼旅思。野水荒蘆。繒不盡。流
亡愁淚。賸破屋。數間而已。○來時湘水。到時江水。更此
去。鸞鸞湖水。暮色蒼然。問何處。孤篷堪艤。且廝稱。風斜
雨細。旅舍聞雁次韻長亭怨慢云誰憐取。天涯捲羽。落
葉經秋。落花辭樹。來雁多情。聲聲催送打窗雨。楚山秋

冷且莫向衡陽去。縱爲稻梁謀。何苦被雞鼻猜如○暫
住。正天遠人遠。水驛山郵無數。身非鳳翼。便飛到冥冥
何處。可曾遇湘水孤舟。原註謂張角山煩傳語。黃州羈旅。想輾
轉終宵。一樣紋窗難曙。唐子方方伯。樹義令江夏時合
王子壽作爲楚四家詞刊以行世。惟子壽通籍三君均
老於諸生。

監利王君子壽博學篤行所著樞言體用兼賅顧南泛
瀟湘西遊秦隴久無所遇與余相識江夏官廨猶諸生
也癸卯始舉於鄉次年掇南宮觀政刑部乞假歸遂不
出君名柏心詩文詞皆沉雄秀整子方方伯爲刻秋詞

一卷蘆花滿江紅。云密絮濛濛。也不辨江南江北。其中
有傷心窮士。呼之欲出。素手絃翻。商婦老。青衫酒醒才
人泣。正滿船搖月。復捎風。江心白。○捲岸也。寒潮立。齧
根也。鳴沙急。怕銜枝雁下。灘昏雨黑。十幅歸帆。憐我滯。
一簪華髮。如伊逼。讓老漁。秋雪灑蓑衣。橫吹笛。歸燕雙
雙。燕云問梁間燕。纔占得雙棲。怎催歸與。尋常薄暮。兀
自捲簾猶等。此後斜陽巷冷。都忘了。塵生藻井。枉拋昔
日辛勤。掠盡紅梨花影。○似解呢喃訴恨。說六代春銷。
金殘粉褪。高樓翡翠。不是自家門徑。台返三山絕頂。逐
海國。鯤鵬幻境。明年錦片花繁。重報天南芳信。秋雨雨

霖鈴云砌成鳴咽。雁兒訴了。蛩又來說黃昏漸歷將住。
西風不肯便教休歇。今夜酒樓笙院裏也。覺淒切。何況
是。繫纜江湖。聽打蕭蕭葦花折。○雲屏情事經年別。料
箇人鉛淚傾難竭。夢兒早是澆碎。禁不得滿階騷屑。怕
惹涼聲。擬把窗前繁篠刪絕。又無奈身似梧桐心似芭
蕉葉。君居監利之螺山。著書自娛。自余回帆南指。不相
問者二十餘年矣。

道光丁未秋以歸妹故渡海至彰化適黃浣雲師

鶴齡

館臺灣郡廨賦詩召余佐勾稽者八閱月師嘉應人善
度支學好爲詩以香山義山遺山爲宗嘗自謂三山後

學詞非所喜。余初至臺。呈八聲甘州一闕。卽依調見答。
云正西風吹老碧梧桐。海外喜萍逢。念戟門聽鼓。侯門
挾瑟。一樣倥傯。不分赤嵌城畔。重翦燭花紅。一十年間
事。逝等飄蓬。○聽說艱難負土。更爰占歸妹。遠趁飛鴻。
問鯨噓鰲擲。壯覽幾人同。看依然襟情似雪。只飄蕭潘
鬢漸鬍鬆。怎怪我鬚眉霜染。頭腦冬烘。師所著不暇。懶
齋詩。囑人攜赴臺陽。舟覆沒於水。然掇拾叢殘。尙得十
二卷。余倩符雪樵大令校選。一過力稍有餘。當爲刊行。
誌之以當息壤。

長洲江弢叔醵尹

溫

學問淵雅詩宗山谷以生新爲主

而不喜爲詞所著。伏敵堂集余亦不甚愛。讀偶於友人
扇頭見所書舊作二絕句。集所未載。一云眼前物理費
尋思。野店門前倚樹時。千歲老樟枯欲死。寄生小草不
曾知。殆有所諷云。愚意託物比興。不如長短其句較耐
尋繹。憶在楚中蔡。笛椽大令。勝珍以之江記。遇詩見示。

余謂寓感之作。宜含蓄不宜拉雜。請摘其句爲浣溪紗。
云縹緲明姿憶絳仙。華鬢雲擁蔚藍天。不恒風調最堪
憐。○花意自肥人自瘦。玉笙吹暖夜如年。趁時梳裹爲
誰妍。笛椽甚喜且言。初祇謂詩不能達之意。詞能委曲
達之。今乃知同一七言而詞婉於詩。若是笛椽居蕭山。

庚午舉人官興山令調江陵被劾罷官生平篤友誼與
余爲忘年交著有詩航雜著詩鈔各二卷

宜興孫雲門進士

朝慶

詞學辛劉粗豪自喜渡黃河作

滿江紅云怒浪如山正急漿黃流爭渡看滾滾來從天
上建瓴東注手挽狂瀾原不易石填大海終何補最堪
憐斷岸泣遺黎悲難訴○待議濬茫無路待議塞渾無
緒問年來誰是濟川才具細雨綈袍全溼透斜風破帽
驚吹去恁艱辛猶自喜身閒同鷗鷺時康熙中黃河屢
決故有石填大海語深致感喟我朝漕運河工二事
歲靡金錢無算泥古之士目擊流弊或擬改海運或議

復古道或請治西北水田大抵眉睫之見余獨喜臨川
湯茗孫中翰

儒雅

舟泊禦黃壩五古一篇議論獨闢其

言 國朝治河兼有三善一散大利以杜奢淫一贍閒
民以消奸宄一勤小吏以育人才消奸宄一層所見尤
遠蓋無業之託足其閒者歲不知幾十萬人匪亂以來
河漕俱停水手堤夫無以謀食咸竄入捻黨流毒半天
下幸漕由海轉恃沙船爲活者不少東河亦尙煩修築
惜中翰名不甚著其詩罕有知者

蘇易簡越江吟云非煙非霧瑤池宴片片碧桃零落誰
見黃金殿蝦鬚半捲天香散○春雲和孤竹清婉入霄

漢紅顏醉態爛漫。金輿轉。霓旌影斷。簫聲遠。與東坡方
回詞句讀如一。惟起句少押一韻而已。詞律脫誰見二
字致分句參差失註。二韻並誤。春雲爲青雲。遂謂無可
查考。而另以東坡詞爲瑤池宴。且易宴爲燕。按賀詞云
瓊鉤褰幔。秋風觀漫漫。白雲聯度河漢。長宵半。參旗爛
爛。何時旦。○命閨人。金徽重按。商歌怨。依稀廣陵清散。
低眉斂。危絃未斷。腸先斷。東坡詞云。飛花成陣。春心困
寸寸。別腸多少愁悶。無人問。偷啼自搵。殘妝粉。○抱瑤
琴。尋出新韻。玉纖趁。南風未解幽愠。低雲鬢。眉峰斂。暈
嬌和恨。三詞本一調。瑤池宴三字。卽因易簡詞首句爲

名紅友分而二之失考矣詞僅五十一字而叶十二韻
繁音促節最不易填易簡不以工詞名不謂倉卒應制
之作精穩乃爾

范忠貞

承謨

由浙撫移督閩浙殞耿精忠之難吾鄉耆

留山先生

永仁

在幕府同被幽繫密室中互相唱和亦

以身殉先生名所作爲吉吉吟中附未亂時忠貞見留
和韻踏莎行半闕云城郭無光村煙失翠瞥然一見心
如醉停驂暫緩入山期孤鴻待爾離憔悴以視范文正
四面邊聲連角起長煙落日孤城閉歐陽公謂爲窮塞
主詞尤褻嫺先生原作亦祇存孤城殘角夢家山亂帆

影裏人憔悴二語惜全詞已佚忠貞與先生名垂竹帛
均不待詞章以傳然零珠碎玉彌足寶貴先生子曾鈞

孫璜均官至大學士本朝漢臣中接武韋平者桐城張

文端英文和廷玉常熟蔣文肅廷錫文恪溥諸城劉文

正統勲文清壩與文敏文恭父子已四家矣

鈕玉樵鮑賡紀吳將軍六奇遇查伊璜孝廉繼佐事與

蒲留仙聊齋志異微有參差其贈袍移石等事蔣苕生

太史復演爲傳奇以張之將軍列國史貳臣傳益在

明時已顯矣所贈縐雲石孝廉卒轉移數姓後歸馬氏

嘉慶間繪圖徵詩吾郡趙味辛司馬爲賦摸魚兒云問

誰能拔山超海。巧從萬里移置。英雄舉動原殊俗。何況
感恩知己。峰丈二。但抵得尋常。投報瓊瑤耳。試追往事。
是大帥筵開。孝廉船到。錫以綢雲字。○根頻徙。新主更
番換幾。如今仍屬名士。分明羅綺平難尉。石也儼然雲
矣。尤可喜。喜畫卷詩篇。與石長留世。風流相繼。縱彭澤
曾眠。襄陽欲拜。未許等閑擬。平仄雖多。未協而崢泓鏜
鏘。一氣轉旋讀之。如有餘音震耳。

司馬名懷玉爲恭毅

申喬

曾孫乾隆四十五年

召試。賜舉人官中書出爲青州丞。有荃提室詞浪淘沙
云。茶熟酒微溫。消盡黃昏。看燈情異去年人。只有半牀

殘月到。許客平分。○寂寞杜司勳。傷別傷春。自來好夢
不曾真。依約畫簾風過處。昨夜星辰。王氏詞綜二集於
第三句誤倒情人二字。殊失詞意。錄以正之。相傳恭毅
撫楚時。嘗偕藩臬微服過市。問政得失。市人咸稱公而
詆兩人。公偕藩臬去。少頃復還。呼其人以所攜扇貽之。
曰。向若言兩人。兩人必怒。若然。無恐。持扇謁藩司。無事
矣。翌日藩司以扇還公公。徐語曰。人言可畏也。其後藩
臬亦奉法。余外祖顧笠舫公詩序中述之甚詳。世顧罕
有知者。附筆於此。

陽湖董曉滄庶常潮家故貧。贅於海鹽。遂由海鹽籍登

南宮入詞垣。乞假歸修志。常州年未四十。卒少受業於趙甌北。觀察而詩體獨宗溫李。以賦紅豆詩得名。人以紅豆詩人目之。所著漱花詞。雖止數十闕。然如謁金門。云東風早。吹綠一庭芳草。寒擁香篝深閣。悄。夢和煙縹緲。○昨夜雨聲催曉。試問亂紅多少。二十四番花信了。蝶癡鶯易老。相見歡。云燈殘夜雨重門近。黃昏撥盡沉檀金鴨。火難溫。○東風緊。梨花冷。總銷魂。依舊一川煙草。怨王孫。踏莎行云。桂影侵簾。蕉陰成幕。黃花零落如殘籜。西風又共舊時愁。重來同赴清秋約。○悶飲清于。慵拈紫腳。南華半部醫愁藥。晚來登眺獨潛然。棲鴉歸。

盡寒煙薄。淒清迢逸迴殊凡響。庶常又有東皋雜鈔誌
所聞見中記一事頗足解頤。言有數士於試前扶乩請
仙仙至自云黃山谷衆以功名事欲得呂純陽問之相
與更請未幾稱曰至先書云請諸君各飲墨汁一杯飲
既乃大書曰平時不讀書急來飲墨汁那有呂純陽依
然黃魯直豈數百年後山谷尙滑稽如是耶

山左王阮亭尙書詩爲國初冠顧身後尊之者與詆之
者各半所著衍波詞頗沾沾自喜幸無異說乃吾鄉孫
文靖論詞謂妾是桐花郎是鳳倚聲誰關野狐禪一經
拈出令人爽然益刻意求新不免流於纖仄然平心而

論亦未可全非。如浣溪紗云：雨後蟲絲罥碧紗。朝來鵲
語鬪簷牙。日痕紅暈一闌花。○殘夢未遙猶眷戀。篆煙
初裊半天斜。消魂應憶泰娘家。虞美人云：杜鵑啼徹春
將老。斷送花多少。幾絲楊柳幾絲風。總付銀屏金屋夢
魂中。○合歡枕上香猶在。好夢依稀改。回環錦字寫離
愁。恰似瀟波不斷入湘流。踏莎行云：風雨清明鶯花上
巳樓。臺回百南朝寺。水邊多少麗人行。秦淮簾幙長於
市。○驀地愁生。干卿甚事。梁陳故蹟消魂死。禁煙時節
落花天。東風芳草含情思。余每喜誦之。至文靖論詞絕
句。中有人籟定輪天籟好。長蘆終是遜迦陵。語未免阿。

好鄉曲竹垞太史詞不少。清空婉約處。若謂釘飯。逞能乃學者之過。不得爲太史話病。

福州爲閩中省會。而商賈咸聚於距城十里之南臺。面江背山市廛櫛比。山巔建閩越王廟。廟有釣龍臺。臺下一井泓然深窈。相傳天旱投以虎骨。輒雨。登臺四望。數十里風帆雲樹。歷歷在目。莆田林玉巖僉事有釣龍臺懷古水調歌頭。云海氣撲襟袖。登眺亦雄哉。蒼茫煙水無際。山勢聳崔巍。人道越王當日。鐵馬金戈。割據曾釣白龍來。霸業已銷歇。俯仰曠荒臺。○殘照裏。草樹外。角聲催。沿江樓櫓重疊。橫海靖氛埃。一片銀濤雪浪。千古

蝸爭蟻鬪誰是濟時才。庾信最蕭瑟。詞賦只悲哀。僉事
名麟。煥康熙初進士時臺灣未入版圖故有沿江樓櫓
蝸爭蟻鬪語自臺洋平後二百年來中外一家道光閒
雖有外夷之擾不久就撫海禁久弛矣第師船幾成虛
設荏苒輩遂肆行出沒商賈因之裹足而外夷之火輪
夾板等船獨擅貿遷之利沿海黔黎日窮日困不爲盜
幾無以求生顧以威力峻其防抑末已

沈君秋卿

星焯

少從王蘭泉司寇游工詩詞善隸書兼

擅繪事仿其鄉人奚鐵生作幾莫能辨顧久困場屋屈
爲九品官需次楚中讀余秋蟬聲聲慢至金盤露華漸

冷更蕭條。病葉難溫。誰憐取。是當年。齊女豔魂。幾下唐
衢之淚。時拂長官。意年逾半百。抑塞無所見。益有不能
自釋者。今距秋卿之歿二十年矣。其詞錄入王氏詞綜
二集。自謂少作。未工。後刊夢綠山莊詞。多所削改。然修
飾過甚。轉不若前之輕俊。爲錄其語意雙關。音情激楚
者。數闕於此。七夕不寐。南歌子云。月珮餘殘碧。仙裙隱
斷紅。年年惆悵憶牆東。贏得滿身花影。露華濃。○一水
愁難渡。雙星怨本同。玉簫聲斷盡樓中。知道誰家庭院
有秋風。閏六月初七點絳脣云。霞散雲沉。一痕淺淡秋
河影。星期無準。說是今年閏。○鏡約釵盟。又入三旬恨。

離懷永。淚花紅凝。滴上鴛鴦錦。秋感蝶戀花云竹影搖
搖清漏短。門掩東風。綠蔭閑階滿。一寸簾波橫不捲。捲
簾人在深深院。○轉眼花殘春去遠。燕子歸來。已是尋
芳倦。聽說柔腸容易斷。誰知斷盡無人管。聲聲慢云庭
砧擣素。簷鐸吹涼。秋聲一片淒淒。帳捲青綃。單衾冷怯
荒雞。庾郎慣吟愁賦。問愁心。畢竟何依。愁無主。似空簾
殘夢。到處分飛。○已是香消翠減。便疏星淡月。也只悽
迷。病葉枝頭。隨風暗擊雙扉。雲邊數行斷雁。耐高寒。叫
過樓西。清夜永。聽霜鐘。遙度隔溪。雨中花云古驛荒涼
煙水濶。渡江來。暮雲如織。冷雨聲聲。殘秋冉冉。離緒幾

曾拋得。○往事不堪頻按拍。西風裏、半林黃葉。乍解輕帆，重催短棹，去路一程程急。

錢塘女史楊倩玉名琇美而慧同邑沈喬聲

豐垣

豔其

才聘爲妾中更多故幸而獲偕卽隨園詩話所謂楊大姑也。傳有遠山樓詞清平樂云：離愁滿面，轉自羞人見。多少淚珠心裏噙。攪斷柔腸如線。○掛帆剛趁長風，霎時分手西東。恨不將身化石，填他江上青峰。江城子云：繡帷睡起倚香篝。鏡光浮。翠雲流。向午恹恹，猶自怯梳頭。廿四番風吹欲盡，花縱好，爲誰留。○背人獨上最高樓。捲簾鉤。黯凝眸。信道垂楊，難繫是孤舟。渺渺關山煙

水外芳草路織成愁。命與才方能毋致慨。

康熙初保定竇鴻妾郝湘娥以豔稱兼工詩畫有清平樂云簾鉤雙控。時有熏風送。惱煞鳴禽花外哢。驚破瑣窗殘夢。○分明對坐鳴琴。醒來依舊孤衾。且莫輕拋珊枕。再從夢裏追尋。時有豪家某力索湘娥不得遂喉盜誣鴻至死湘娥卽賦絕命詞投繯以殉後某畫見湘娥披頰暴卒拾薊錄載其事並弔以詩云貞魂白晝能爲厲。此處湘娥勝綠珠。余謂金谷中人不但墜樓而後未聞靈異卽詞翰亦無所見似此奇女奇事有人播之絃管恰是絕好傳奇。

選佛詩傳言海甯查韜荒

客

曾館吳三桂家察有異志

佯醉而遁吳遣人追之提其人擲地上變服疾馳始得

脫與唐六如

寅

不肯爲宸濠客事絕相類韜荒素有力

工劒槩詩文敏瞻足跡幾徧天下有懷舊寄粵東諸子
春雲怨云紅梅小驛記五羊城外穿花雙屐把手纔通
名姓一詠一觴如舊識翠袖藏鈎平頭搖扇共指銀蟾
螭牆側殘拍逡巡歸鞍酩酊蠟淚滿離席○三姝座上
真奇絕縱年深路遠珠江歷歷對酒猶疑照顏色橫浦
樓船折盡南枝斷無消息舊雨淋浪曉星零落不喚奈
何不得其風流佚宕亦不減六如

壻鍾保元校字

聽秋聲館詞話卷五

無錫丁紹儀杏舫

吳江沈方思蓮涇阻雨虞美人云廉纖細雨蓮涇口。何處沽尊酒。天公也似太多情。拚得柳昏花暝。滯人行。○年來浪跡真無謂。歷盡愁滋味。一燈篷底聽模糊。知道小樓夢醒一般無。末二語暗用少陵今夜鄜州月。閨中只獨看。意時值孤篷夜雨尤難爲懷。方思名永啓師郡人。金采國初采以株累繫江甯獄。閒關往詢侯采。就法斂其遺骸歸。其行誼有足多者。著有遜友齋詩詞。子時棟二女友琴御月俱工詞。王氏詞綜已采入。獨遺方思

詞未錄

女士姚棲霞吳江人幼慧工詩時出新意年十七卒其

父瘦吟

仿

取其燕剪剪愁愁不斷翻銜愁入小窗來句

名所著爲剪愁吟越百年郭頻伽鄭瘦山諸君爲之刊

行各倚鳳凰臺上憶吹簫調賦詞悼之其詩遂顯袁樸

村

景輅

松陵詩徵言其填詞亦秀雅可誦並附牡丹滿

庭芳斷句云但恐荼蘼開後風懷減誰共芳尊添愁恨

紅妝淚灑無語暗銷魂惜未錄全闕瘦吟亦工詩家極

貧以筆耕餬口恒館於外清明有感一絕尤佳詩云林

香漠漠草萋萋水自東流日自西最是銷魂寒食節一

庭花雨燕雙棲

國初鄧州彭禹峰方伯

而述

都門感舊金人捧露盤云

記燕臺舊遊地。百花紅。正西山、煙翠溟濛。承天門外，繡袍錦帶，馬如龍。酒錢夜數，當鑪女，醉倒新豐。○幾何時，成霜鬢。離宮在，夕陽中。烏衣巷，非復江東。五侯七貴，霎時秋雨碎梧桐。海青嘹唳，寒笳起，淚灑西風。遣詞命意，悉仿曾海野詞。海野及見汴都之盛，逮南渡後，奉使過汴，感賦云：記神京繁華地，舊遊踪。正御溝流水溶溶，平康巷陌，繡鞍金勒，躍青驄。解衣沽酒，醉絃管，柳綠花紅。○到如今，餘霜鬢。嗟前事，夢魂中。但寒煙滿目，飛蓬雕

闌玉砌。空餘三十六離宮。塞笳驚起暮天雁。寂寞東風。
汴都鐘鼎胥移故。曾詞後關尤覺悲涼。

隨園詩話錄蘄州顧黃公憶內句云午夜停金翦。含情
對玉缸。數聲風起處。花雨上紗窗。謂爲風韻獨絕。建安
謝蕉谿明經室黃曇生女史憶外句云隻影黯殘缸。愁
心未易降。無情中夜月。故故冷窺窗。意境正復相似。女
史工詩畫。有蕭然居集詞。則未見黃公名。景星國初屢
薦不起。舉鴻博亦不就。遭亂時掘草根爲食。一一記以
詩。所著白茅堂集。雄渾綿麗。佳作不少。歸愚宗伯別裁
集祇錄一首。想未見全集耳。其詞僅存邊庭夜宴圖。柳

梢青云班超老去。文姬歸晚。一樣天涯。帳外雲山。尊前
明月。膝上琵琶。○長城高隔中華。費版築。秦家漢家。一
片金笳。數聲玉笛。幾陣黃沙。亦不失雅音。

乙未冬余自京赴楚遇代州諸生馮雨亭

申之

於真定

途中一路唱酬甚洽。至衛輝遂別去。不相問者已三十
年。叢稿中尙藏其見和旅次遇雪詞。爰錄存之。調寄虞
美人云。數聲暮角吹纔罷。雪意垂垂下。認來爪印太淒
迷。是處蠟梅香透。盡樓西。○寒威陣陣衝簾入。漏點銅
壺咽。雙輪不惜去程遙。整備明朝踏碎萬瓊瑤。

商邱宋牧仲太宰

聲

楓香詞中附任邱旅店題壁詩並

序云妾白浣月家住半塘幼失雙親寄養他姓姿容略
異慧業不同非敢擅秀閨中願效清風林下豈意生命
不辰所適非偶日彈琴之相對百恨纏綿時捲幔以言
征一詩嗚咽余爰題之驛壁人共憐之黃土可耳詩曰
吳宮春深別怨離風塵慘淡雙蛾眉鵲啼月落寸腸斷
香消芍藥空垂垂流黃未工機上織生小殷勤弄文筆
新詩和淚寫郵亭珍重寒宵誰面壁因隲括詩意爲賦
調笑令云面壁淚痕溼想見含毫燈下立風鬟霧鬢吳
宮隔芍藥香消堪惜明妃遠嫁歸何日一曲琵琶悽惻
詞與詩均極哀豔當時燕南趙北傳唱殆徧云

太宰以任子通判黃州。歷撫大江左右。內掌銓政。生平
愛才若渴。所著詩詞。雖不克方。駕阮亭。亦不讓。荔裳廉
訪其春。日舟行高陽臺。云遠水拖藍。晴峰送翠。徐牽三
板輕船。日暖風柔。匆匆又過新年。垂楊不負東君約。展
修眉。瘦怯堪憐。更悠然。幾處漁歌。幾點村煙。○家山回
首。斜陽外。但萋萋芳草。淼淼長川。十八灘遙。舟人指向
鷗邊。紅牙漫向尊前拍。倚篷窗。聊破愁眠。莫垂簾。尙有
江梅尙少啼鵲。相傳公撫江西。未莅任。值楚中夏包子
變起。賊氛逼近。卽兼程馳赴申軍。令嚴守禦。民心少定。
而富室尙有遷移者。或請禁之。公不可。曰。禁之人。將以

我爲怯百姓且散走矣幕下士請去公又不可曰人恃撫軍耳撫署人出則人心散果欲去吾卽以軍法從事時江右亦有裁軍三千期朔日諸官集撫署殺以應楚公先期密擒爲首者二人就轅門震炮斬之張文告數十紙示以渠魁已殲脅從散者不治是日薄暮城門報無籍之潛出者二千餘人亂遂定方訊斬賊首時賊指總兵之奴曰是亦吾黨也公急命批頰異日密語總兵去其奴總兵憤曰公眞謂我通賊耶公曰豈有是哉日者賊甫啓口而奴立君後佩刀已出鞘數寸吾卽命答賊奴乃納刀不然幾與君同拚命君顧未見耳公才能

應變若此又不僅以文事見夏包子名逢龍湖北裁兵也因憶沈作喆寓簡言宋時有以養兵費重爲言者韓魏公曰雖國家歲糜金錢甚鉅然使數十萬梟悍之徒就我鈐束亦消患未萌之道逮我朝初有裁兵之擾嘉慶中又有散勇之亂且明末裁減驛夫遂肇闖獻之禍謀國如魏公實乎遠矣

本朝人詩自蒲州吳蓮洋吾鄉黃仲則後讀之飄然有仙氣者推建甯張亨甫世應無異辭所著松寥山人詩集外有金臺殘淚記南浦秋波錄借以發其扼塞無聊之慨中附百字令云料伊妝閣對菱花蕭瑟慵開笑口。

顧影徘徊頻自照。一日腸應迴九。翠被香殘。寶箏塵滿。
宛轉惟搔首。夕陽一抹。照人啼笑俱有。○惆悵連夜清
歌。月明醉到扶情。纖纖手。別後依然還見月。也似雙蛾
消瘦。破鏡難圓。短篷獨泊。何處沽尊酒。憑誰寄訊。昨宵
燈畔孤否。亨甫初名際亮。負俊才。屢困南北試。更名亨
輔。始獲雋。雖恒不家食。而留心鄉邦文獻。輯有建甯耆
舊詩蒐羅極備。

仁和趙雱門

鍼

初名春沂。爲橫山閣學。

鯨

曾孫少與兒

米樓郭頻伽諸君徵歌角勝。登嘉慶辛未進士。頻伽詩
話錄其寒夜讀浮眉樓詞。卻寄金縷曲云。風格知何似。

祇當年玉田蘭畹。差還可擬。一卷烏絲腸斷句。欲把金尊潤洗。奈紙上淚痕隱起。何處吹簫容乞食。料旗亭那有人雙髻。應佳耦。是知己。○勸君何苦悲身世。看分湖。菰煙蘆雪。十分愁思。一面闌干憑倚徧。莫又爲他憔悴。況兩鬢蕭蕭如此。算有故人無恙在。更天涯同調能餘幾。長相憶。可知未。並以其甫入承明改官江左爲惜。後知溧陽縣。頗昏墨。有無賴子素克橫毆其母。母以忤逆訴趙曲庇焉。士民憤甚。輿之至蘇。適大吏與有舊。留之數月。薦牧泰州。剡牘中謂爲民情愛戴。溧陽人笑曰。戴則有之。愛則未也。包慎伯集中詳書其事。包與趙同舉。

戊辰鄉試余意趙丈或有開罪包處誌以洩憤曾質之
顧丈兼塘丈笑曰昔有人歌投畀而請入循吏傳民慨
偕亡而刊立去思碑者矣清名登而金貝入北齊顏氏
已言之看碧成朱非今伊始烏足異哉

長洲袁綬階

延檣

饒於資家有紅蕙常延諸名士賦詩

鬪酒並繪其母竹柏樓居圖徧徵詩詞顧性吝一介不
輕與聞龍雨樵謫成袁湘湄典質所有集二百金以贈
不禁咋舌曰是獨不畏寒餓耶乃身歿未久子若孫弗
克負荷田廬斥賣殆盡元和顧澗蘋

廣圻

過其故居感

賦月下笛云試問樓中生前肯信破家如此生平已矣

陳跡偏經舊時里。魂歸白晝常聞哭。想只戀青箱未死。
怪鄰翁指點牆頭。錯嘆箇人無子。○迤邐斜陽裏。話往
事重重。痛心曷已。藏舟但徙。有誰門戶能理。更憐埋恨
雙棺遠。早亂塚難尋路圯。便放筆寫悲歌。忘了曾遭抵
几。激烈之音不堪卒讀。淵薈學問淵博。精校勘與烏程
嚴鐵橋。可均相埒。詩詞非所長。而筆意殊清穎。題浙江
吳氏所藏謝文節遺琴。虞美人云。橋亭當日伴狂淚。迸
入危絃碎。先生耿耿意孤行。那管建陽市上。少人聽。○
而今試向高堂奏。心手都非舊。依然慷慨有餘哀。肯逐
憫忠寺畔土花埋。其集以思適齋名。中有摸魚兒調標。

爲咏春光謂出鳳林書院元詞未免嗜奇太過

昔張子野有雲破月來花弄影嬌柔嬾起簾幕捲花影
柔柳搖搖墜輕絮無影句自詡爲張三影尙有隔牆飛
過秋千影無數楊花過無影二語均工絕近時莊蓮珮
女史醉花陰云蕩破斜陽響落風箏影滿宮花云犬吠
一簾花影卜算子云一路垂楊到畫橋過盡春衫影亦
可謂善用影字女史陽湖人母夢珠而生故名盤珠姿
性明慧工倚聲著有紫薇軒詞如夢令云簾外青梅如
豆簾底亂紅如繡纔待展雙蛾又被晚風吹縐吹縐吹
縐人與影兒共瘦浣溪紗云睡起紅留枕上紋病餘綠

減鏡中雲。盡簾窳地。又斜曛。○癡蝶分明尋斷夢。浮萍
容易悟前因。無聊天氣奈何人。舟行卽事踏莎行云待
放蘭橈。重過菊徑。人和涼月同扶病。輕帆未掛。恨行遲。
掛時又怕西風勁。○剪燭嫌頻。推篷怯冷。荒涼野岸三
更近。草橋露重。寂無聲。孤螢照見秋墳影。遊楊氏廢園
臨江仙云。聽說園林饒勝賞。誰知轉眼滄桑。高臺就圯
曲池荒。花還如我瘦。草竟比人長。○賸有舊時雙燕子。
銜泥繞徧迴廊。孤松無伴立斜陽。新詞吟宛轉。往事費
思量。絡緯探芳信。云冷消息。到曉露牆根。晚煙籬隙。正
繡衾夢斷。豆花風又急。殘燈窗裏明還暗。月在窗前白。

忽驚猜巷北街西。那家宵績。○何日便成匹。怪響引絲
長。緩憐絲澁。靜夜寒閨。香韻襪刀尺。亂愁誰颺。千千縷。
爭把秋心織。便無愁。也是聽他不得。中秋聽雨。有懷凝。
暉姊虞美人云。角聲吹斷清宵夢。翠被和愁擁。蕭蕭風
雨響窗櫺。忽憶去年今夜月華明。○別來兩葉眉長綳。
可也慙慙瘦。秋光強半已難留。記取雁來時候。少登樓。
有蕭山女史天水氏愛其詞爲付剗劖。因詞旨悱惻。疑
抱天壤王郎之憾。序中深致惋惜。似不知爲同邑孝廉
吳軾室門無塵襪。靜好相莊。正如飲水詞人身處華膺。
而詞極淒戾。自是賦才所近。非關遇之豐嗇。

蘂塘顧丈嘗謂余書中有三不可信武功道學美人是也一日與暢之叔氏語及時万承平叔言武功道學未可知美人則洵如所言卽才女亦然昔船山太守寓吳中眷蓮緣校書繩之甚至同時文士咸賦詩張之其美麗可想叔曾慕名往見肥黑而麻非但不美而已吾鄉女冠韻香能書能畫蘭貌已容爲空山聽雨圖梁山舟侍講首題一詩遂徧徵名流題詠享豔名二十餘年然其對客酬和之作咸複壁中人爲之叔亦捉刀中一人也憶余在裝潢鋪見便面上韻香自書詩詞曾錄其采桑子詞出以相質叔曰此雖不知伊誰筆墨然韻香不

藉詞傳詞或藉韻香傳又何必辨爲非是詞云一犁雨
足清溪漲幾處蛙聲幾樹蟬聲菡萏風吹暑氣清○石
牀卧覺松濤靜嬾譜碁經試補茶經月影今宵分外明
過而存之亦叔氏意也韻香姓王名嶽蓮余幼時猶及
見面圓體腴年已四十餘後因失所歡意自經死陸祁
孫大令繼輅悼以詩末云如何病榻都無分海燕驚飛
出畫樓一時膾炙

叔氏言韻香同時有秦淮妓張晚香酷嗜文翰車秋舫
秦淮畫舫錄言其細骨輕軀珊珊特甚並錄其風裏楊
花換舊身句叔曾見其天仙子云雨雨風風日幾巡亂

鶯啼處又殘春。薜蘿綠徧短長亭。休凝睇。暗含顰。減盡
遙山一抹青。聞鶯巫山一段雲。云嫩綠啼將徧。嬌紅啄
易殘。花前百轉和應難。蜀魄枉流丹。○金縷衣。偏好瑤
笙奏未闌。雙柑柳下佐清歡。誰念玉樓寒。一種幽怨之
思。自然流露正未可與韻香一概論也。時有許晚香者
亦秦淮妓。不解詞而詩較工。春雨有感云。罌風動雨
如煙。綠倦紅稀。亦可憐。甚欲登樓慵拭目。惜花徧遇妒
花天。又傳有吳妓王季羈。寄陸祁孫青門引云。秋水盈
盈冷。閑卻小樓妝鏡。風吹紅豆。忒多情。相思滿地。不是
舊時病。○可憐敲枕常教醒。盼斷飛鴻影。那堪一片殘

照又分帕上胭脂暈。因憶蘄水徐戟門。孝廉曾爲余言
蘄妓鄧有兒貌豐腴。能詩寄所歡云。自從別後便銷魂。
花落花開總閉門。日暮暮鴉飛欲盡。一絲絲雨又黃昏。
殊爲悽婉。惜予在楚未及一訪。

姚君春木嘗言康熙以來屢以書案興大獄。如錢牧齋
詩文亦在燬禁之列。長洲沈歸愚宗伯選冠別裁集。幾獲
咎。至嘉慶初大興朱文正珪於造。

膝時奏言詩文之詆謗

本朝者正如桀犬狂吠

聖人大公無私何所不容禁之則祕藏愈甚

仁宗然之禁始弛明末遺書遂復有刊行者牧齋人品
無足取而才華自不可掩有虎邱月夜讌集永遇樂云
玉露微凝銀蟾徐上光景清絕折簡徵歌釀錢置酒漫
浪憑人說俊侶難逢歡遊能幾莫負清秋佳節儘筵端
紅牙拍損只恐風情非昔○生公石畔周遭香霧恍似
身臨瑤闕天上霓裳人閒桂樹曲調殊淒切可堪到處
烏驚鵲繞一寸此時心拆憑誰把浮雲掃淨永留皓月
味烏驚鵲繞數語似作於未改轍時其初尙非全無心
肝者未可以縱情荒讌少之近見吳下王養初壽庭題
柳如是小像金縷曲後起云香軀拚擲滄桑後奈中書

猶萌侈想。彥回多壽。數語道盡。牧齋蓋末路依回。猶存
觥望。正坐不知戒得耳。

養初著有吟碧山館詞。秋夜南柯子云。滅燭香猶滯。聞
香酒漸醒。些些秋夢繞羅屏。便索銀燈照。也不分明。○
悄卷晶簾起。閒拖畫屨行。牽牛花上月初生。恰有蟲娘
一箇。織三更。幽豔絕倫。詠之口馥。又用福藩才人柳翠
雲沁園春云。夜靜。斗壇翩然而來。有美一人。道蜀宮花
蕊。曾遭國難。錢塘藕小。本是鄉親。玉帳俘鴛。金鞭撻鳳。
溼透羅衫。清淚痕歸。願遂謝多情。帝子憐惜殘春。○送
巡重認柴門。好常伴西湖風月新。奈萑苻強暴。橫牽紅

袖邯鄲養驪著黃巾百尺虬枝一條雪練了此蓮花
清淨身乘鸞去定婆婆寶髻繫滿星辰註云乾隆中溧
陽方文藻等因旱請乩雲降壇自言錢塘人宏光時入
宮未幾福王遁爲十三王所得王憐之放歸中途復爲
土賊劫獻彭氏奴潘茂茂方叛踞溧陽雲誓不辱欲投
城北太白樓下死不得茂敗挾奔廣德宿棉嶺居民宋
連壽家乘賊酣睡絕脰於大松樹下噫以雲之流離貞
烈曾不若錢牧齋輩姓名猶在天壤間使非百餘年後
降乩自述又遲至數十年得王君詞以紀之誰復知之
者天道若可知若不可知固如是耶

烏程韓自爲

雲

自言前生爲天台方廣寺僧故刪其詩

自遊天台始有盆松水調歌頭云一任雪霜虐勁骨自
天成誰向玉缸栽就翠蓋小亭亭待看千霄千尺怎奈
寄人籬下那敢作濤聲且學蟄龍蟄羞殺大夫名○又
何必移春幔護花鈴不信寸山勺水鬱鬱老蒼鯨好待
風雷驟起移種瑤臺高處濃覆半山青記取一言贈莫
負歲寒盟自爲祖敬前明以第一人及第因黨湯賓尹
見擯清議自爲父純玉恥之遂絕意進取味前詞子若
孫飲恨深矣

益都趙秋谷贊善

執信

初與阮亭尙書不相能後因

國忌日演長生殿劇一蹶不振每借歌筵紅粉寄其抑鬱所著飴山詞不讓衍波王氏詞綜錄其浣溪紗云寒雨聲聲滴小窗清宵偏是到秋長愁人猶是滯江鄉○宿酒醒來難續夢孤衾薄處早驚霜此時爭道不思量似不如蝶戀花云秋老家山紅萬疊何意淹留斷送重陽節醉裏情懷空自結鸞環低盡湘簾月○總爲相逢教惜別明日風帆亂落霜林葉暮雨迷離天外歇寒花付與紛紛蝶末語殆謂時之望風景附者

武林譚仲修孝廉

獻

薄遊閩中余未之識楊君卧雲以

所刊復堂詞見示筆情通峭小令尤工人月圓云春來

未有晴時候。風雨閉重門。今朝折柳。明朝飛絮。幾箇黃
昏。○一燈上了。簾前瘦影銷也。無魂。青衫溼處。看來卻
是點點啼痕。青門引云。人去闌干。靜楊柳。晚風初定。芳
春此後。莫重來。一分春少。減卻一分病。○離亭別酒終
須醒。落日羅衣冷。繞樓幾曲流水。不曾留得。桃花影。御
街行云。苔花楚楚。生香砌。屐齒少庭如水。珍珠簾下玉
闌邊。都是舊經行地。斜陽一尺。凝眸還盼。忘卻人千里。
○眼前不飲心先醉。江上雨。樓頭淚。銀荷葉。冷繡牀。閑
事事。尋思無味。綠楊枝外。無情盡角。日暮還吹起。踏莎
行云。雨滴瑤堦。煙籠玉樹。分明夢到。閑庭宇。一重簾。幙

對西風離愁不共浮雲去○來雁驚秋吟蛩向暮江鄉
景物還如許幾番殘月又新霜當時折柳人何處

勤縣袁陶軒明經

鈞

爲阮文達

元

門下士文達輯兩浙

輜軒錄曾預采訪之列並哀自宋以來明州人詞爲四
明近體樂府雖不分魚目璠璣而掇拾頗具苦心自著
西廬詞采桑子云去年今日春風岸芳草如茵繡被香
熏卧聽笙歌響遏雲○而今事往渾如夢草尙如茵香
已成塵滿眼楊花愁煞人南山草堂夜飲呈許穆堂侍
御玉漏遲云夜闌燁燭換牆腰月上漏移銀箭倦眼瞢
騰花影一庭零亂莫問春還餘幾便春在蝶慵鶯嬾愁

宛轉後期何處西窗話短。○可憐舊夢縈心。記載酒籠
香月。湖湖畔。一紀流光惆悵餘不溪淺。今日主人醉客
奈魂怯。離巢孤燕。歸路晚。山城角聲淒斷。唐多令云春
夜雨。廉纖春風撲繡簾。惜春歸。錦韻慵拈。生怕明朝花
落盡。關心聽鎮懨懨。○無語傍雕奩。鑪香細細添。耿青
燈。好夢多淹。酒力三分愁萬疊。春不管。上眉尖。

錢塘張祇中

星耀

本名台柱。徐紫山清波小志言其人

品甚不足道。而詞甚尖新。著有洗鉛詞浪淘沙云。昨夜
夢魂中。翠袖輕籠。月華低照錦香叢。若使箇人同此夢。
也算相逢。○今夜恰惺忪。好夢無踪。孤幃寂寂聽寒蛩。

一點漏聲千點淚。月掛疎桐。蘇幕遮。云翠幃深香夢淺。
一夜東風。春色都吹徧。紅日滿窗蒸睡暖。簾外鶯兒喚。
起梁閒燕。○信難傳。人又遠。蛛網簷楹。日日絲千轉。飄
泊不知歸早晚。生就楊花。心性無拘管。感懷爲索籛庵。
賦金縷曲云。歲月留難住。歎年來。功名何物。盡成塵土。
我已銀絲生雙鬢。何況秋娘眉嫵。更莫話。舊時歌舞。無
限傷心言不得。解金貂。且付當鑪女。歌未闕。淚如雨。○
西風歷歷傳更鼓。倩江頭。曉來鴻雁。漫催行路。十五年
閒。天涯客。纔是歸來一度。早又向。北燕南楚。馬上濛濛
寒雨下。指萬山。樹黑無人處。獨自箇。掉鞭去。紫山名逢。

吉亦錢塘人厲樊榭稱其詞清微婉妙絕似宋人小志
中自錄其坐學士橋春望少年遊云蛇蟠晉井狐穿破
塚輦路已全荒燕子飛來桃花不語閱過幾滄桑○小
橋浮在嵐煙外恰好近鷗鄉坐我春人綠蓑衣底相對
話斜陽風格頗近玉田生

開化爲浙東小邑應縣試者百餘人而有戴簡恪

敦元

出其間公字金溪未通籍卽與李西齋倪米樓諸君相
角逐後由比部郎仕至尙書詩文皆卓然成家集後另
刊漚塵詞二卷清平樂云尊前咫尺背面都陳跡回首
高城煙水隔人在西風簾隙○萬千心事誰知挑燈細

琢新詞便沒青鸞寄與不曾閒卻相思采桑子云紗窗
月暗風聲驟淚結紅冰香退青綾贏得新愁較舊增○
人閒路比天還遠夢也無憑睡也何曾挑不成花一點
燈步蟾宮云宿醒未破窗催曙聽枝上聲聲杜宇三分
春色二分過便苦勸不如歸去○東風肯戀花閒住算
也似天涯羈旅環樓定誤惜花人問後夜相思何處皆
少作也後則題圖酬應居多如出兩手矣

漚塵集中附大興邵壽民中翰

葆祺

情禪詞數闕好事

近云曲頂舊琵琶記聽玉盤珠落又見玉人纖手壓當
場絃索○一聲水調暮江秋秋鬢已非昨賸有青衫餘

淚爲膽娘拋卻。虞美人云天涯詞客飄蓬慣。筆借江花
暖。也知煙月了無痕。祇覺揚州依舊占三分。○野塘處
處鴛鴦偶。冷蝶惟增瘦。渭城歌罷向燕臺。從此雙心一
影。渺紅埃。惜全稿未見

堦胡鑑校字

聽秋聲館詞話卷六

三

無錫丁紹儀杏船

祖孫父子兄弟掇巍科膺膺仕者代不乏人其均善詩
文者已少均工詞者尤少獨余外曾祖雙溪顧公家詞
學相傳世罕其匹公諱奎光由進士宰湖南之桑植未
中壽歿著有雙溪詩詞集虞美人云朝來春色濃於酒
微倦初停繡斜拖翠袖背秋千孤負風和日麗豔陽天
○啼鶯語燕都歸也暮色陰陰下侍兒貪戲上燈遲暗
對銀屏彈淚有誰知寄慰陶昆謀悼亡高陽臺云桂水
流春湘雲約夢關心錦瑟華年千里書來愁看淡墨吳

賤。歡。悅。樂。事。都。消。滅。一。星。星。素。髮。新。添。只。贏。他。悽。冷。襟。
懷。綺。靡。詩。篇。○。齋。膠。不。續。冰。絃。斷。是。最。難。填。補。恨。海。情。
天。游。倦。長。卿。更。教。消。渴。纏。綿。酸。甜。世。味。嘗。應。徧。怕。鐫。磨。
菱。角。成。圓。悵。何。時。一。棹。歸。來。三。徑。延。緣。公。弟。謬。齋。斗光

邑貢生有翠茗軒詩詞臨江仙云枯坐蕭然渾似醉夜
深猶剔孤檠捲簾時見渡河星綠楊風少力紅藕露含
情○窗外琤琤敲響竹草間螢火縱橫蝶飛不到夢難
成寺鐘愁斷續鄰笛聽分明公之子四長笠舫敏恒乾

隆丁未捷南宮自陳不習吏事由令改教授年四十五
卒於蘇州府學有笠舫詩稿次學和敦愉太學生有靈

雲詩草次斐瞻

敬恂

拔貢生有筠溪詩草次傳爰

敷憲

邑諸生有幽蘭草咸未三十而夭楊荔裳方伯彙刊爲
辟疆園遺集詞則散佚未刊僅笠舫公如夢令一闕附
見楊蓉裳農部唱和集中詞云長日東風院宇又變輕
陰欲雨倦倚小闌干滿地落花飛絮飛絮正是豔
陽時序笠舫公長子蕪塘丈翰有拜石山房詩詞季竹
碕丈蕪生爲余姑夫工詩善繪事年弱冠卽爲百文敏
齡掌箋奏疆吏爭相延致顧久困場屋以上舍生終喪
亂以來稿本零落余祇記其虞美人云孤檠短焰淒風
冷水澀銅龍哽夢回敲枕酒初殘爭奈熏鑪不暖被池

寬。○年年人爲悲秋瘦。况復嚴寒候。城烏啼下滿簾霜。
祇覺漏聲還比客愁長。題盡南鄉子。云疊嶂聳危屏。屏
外煙螺點點青。誰向懸崖攜杖聽。泉聲。曲折寒流繞澗
鳴。○此景憶曾經。苦被鞭絲促去程。但許山椒添縛箇。
茅亭。便擬移家老此生。斐瞻公子蘭崖丈。翊以明經官
昭文訓導詞尤富。瞻余曾鈔錄數十闕。惜已失去。近見
孫月坡茂才所輯近詞錄。有題周笛生刺史春風按曲
圖虞美人云。新詞那得紅紅譜。枉自耽吟苦。酒邊殘墨
滿江湖。也有雙鬟低唱幾聲無。○羨君官閣教蠶素。不
負周郎顧。香喉不是不能圓。一點春愁咽入玉簫寒。落

葉水龍吟云。世間一樣飄零。無情猶作迴風舞。閉門不
掃。空階欲沒。瀟瀟似雨。楓外江寒。蘆邊霜早。雁歸何處。
悵疎林易別。故枝難戀。便渺渺天涯去。○回首荒庵落
木。問年來。有誰能住。夕陽染後。三分在水。一分在樹。莫
怨秋聲。那知秋到。無聲更苦。待消他幾疊。琴絲宛轉。寫
哀蟬譜。同菰塘兄竹畦弟芙蓉湖秋泛高陽臺云。柳老
絲煙。蓮凋粉水。短篷暇日。尋幽月小。於眉斜。天挂一分
秋。鴛鴦生在西風裏。便雙飛也。自工愁。怕催將雪色蘆
花。點上人頭。○悲秋不在。因風雨。在曉寒孤枕。暝色高
樓。遠夢無憑。墜歡空逐浮漚。故鄉猶自。嗟搖落。念天涯。

多少淹留。太無聊。心事難圓。只似簾鉤。

嘉慶庚午蘊塘丈舉於鄉時甫冠後以教習官京師賣
文自給久之出爲涇縣令歸主東林講席年七十矣第
三子灝余姊夫也官山左州同余爲加銜請封咸豐十
年丈寄余書言於元旦易五品服戲引東坡簪綵勝爲
比詎是年四月邑城陷竟以被傷殞丈喜談禪善吐屬
在京困甚訪秦蘭臺司馬於津門贈扇數柄謂是漢物
司馬愕然丈笑曰君尙未知此爲秋風團扇耶官定遠
時有持牛首控私宰者丈曰牛非自死者目不閉此非
私宰宜坐誣闔縣稱神丈笑謂幕中人曰吾見書中前

人有此事試仿之。今乃知折獄名亦可以勦襲得也。其
拜石山房詞能兼竹垞迦陵二家之長。菩薩蠻云。輕陰
閣住瀟瀟雨。莫教一霎春歸去。花杪小紅樓。有人樓上
愁。○捲簾人不見。放出雙飛燕。低首自尋思。微風動鬢
絲。浣溪紗云。往事思量總惘然。緣何愁緒上眉端。五更
殘夢最難圓。○淺色羅衣如紙薄。只禁輕暖不禁寒。憐
他微雨倚闌干。浪淘沙云。簾外玉鉤敲。簾底無聊。怪他
燕子不歸巢。如此畫梁棲便得。何忍輕拋。○薄命是天
桃。昨日今朝。護花幡子不多高。卻被秋千紅索影。冒上
香梢。秋陰百字令云。淒陰一片。向遙空閣住。欲晴還未。

秋到無光真慘淡。盼斷夕陽天際。低坐昏鴉。高飛新雁。
都沒蒼煙裏。鼓樓那角。暮愁又被催起。○若論遠近關
河。沉沉如夢。愁也難迴避。惟有江船吹笛去。老我鱸鄉
橘里。縹緲雲沙。溟濛水竹。覓句敲帆底。釀成蕭瑟。黃昏
雨又來矣。丈之姊羽素表姑。詞幼慧多巧思。每出新意。
繡人物花卉。得價恒倍。亦工詞。踏莎行云。似雨還晴。乍
寒又暖。困人天氣。多方換。靜垂簾幕。怕東風。恐妨歸燕。
還高捲。○繞徑紅稀。沿階綠淺。游絲裊徧閒庭院。怪他
春去太無情。癡心擬倩楊枝。綰。有綠梅影。樓填詞圖題
者甚衆。亂後存否未知矣。

雙溪公三甥長楊蓉裳農部

芳燦

次荔裳方伯

撰

均受

業謬齋公門下蔚爲通人

先祖西園瑣述云農部以

拔貢生令伏羌值回匪肆逆力守危城南解嚴適王蘭

泉司寇方爲觀察提師至卽賦五言長排並紀事詩百

韻索和好整以暇如此方伯由

召試舉人官中書從

福相國

康安

征廓爾喀所乘馬墜崖死相國贈一馬又

爲兵士竊食徒步雨雪中靴穿足腫以數金易雙履不

可得幾絕生還之望凱旋擢侍讀外任蜀藩二公詞司

寇已選刻琴畫樓詞鈔並錄入詞綜二集三爲蘿裳司

馬

英燦

生稍後詞亦稍遜然如蘇幕遮云鬢雲鬆眉黛

斂百褶仙裙。不耐東風颭。蓮步纖纖羅襪淺。纔解相思。
已覺腰肢減。○麝煙凝。螺榻掩。小院春深。遲日鶯花豔。
午夢初回。憑盡檻。一縷柔情。薄暈潮生臉。采桑子云擁。
衾坐到三更盡。玉漏丁東。簷馬丁東。無限相思魂夢中。
○年年總是傷憔悴。春也愁濃。秋也愁濃。秋葉春花各
自紅。雜之芙蓉山館。瓊珞香龕。稿中正恐莫辨。

楊伯夔丈

夔生

蓉裳農部子初名承憲字浣薌詞綜二

集登木蘭花慢一詞者是也後易今名宰固安庚子春
謁於保陽時已罷官承以山中白雲詞贈余謂由之入
手可免靡曼之病丈所致力固在石帚玉田二家汪紫

珊太守爲刊過雲詞似非上乘今全稿存亡未悉爲錄
存數闕韶君怨云記得羅裙翻酒暖傍香篝熏透容易
夕陽斜。泰娘家。○幾日薄陰愁悶。不是新晴清潤。秋錦
小房櫳。雁來紅。浪淘沙云愁重翠眉長。篆裊心香。人言
此日又重陽。細雨斜風簾不捲。咽盡寒蟬。○閣淚暗神
傷。無限思量。盈盈閑凭小回廊。疎柳幾株鴉數點。添倍
淒涼。酷相思云嫩寒似水青溪渡。是誰種。垂楊樹。早絮
影花痕無覓處。離恨寫。旗亭路。心事盡。鑪邊句。○謝家
簾幙無重數。總一樣傷遲暮。看掉入紅橋愁萬縷。恰隱
隱。聞歌住。又悄悄。牽舟去。送邵蘭風出都高陽臺云簾

額遮香闌腰過酒。天涯小聚清歡。君去非歸。依然柳老
江潭。尊前試弄桓伊笛。帶商聲。別淚偷彈。更微吟。雪屋
燈明。詩夢清寒。○頻年我亦羈京國。況客中送客。歲晚
風酸。見說來朝。載愁只有征鞍。桑乾水凍流嘶咽。爲離
人怕聽驚湍。賸離情。黯作寒雲。吹滿遙巒。

古人詩句往往成讖詞。亦有之余叔暢之公。

彥和

詩宗

義山工筆札。久客大吏幕。晚歲節縮脩脯葺。故居數椽
將徜徉。終老曾賦晚霞鳳凰臺。上憶吹簫云。宿雨開晴。
斜陽做暝。雲衢乍斂青虹。看非煙非霧。一片龍葱。鳳吹
悠颺何處。餘音嫋如隔牆東。早飛盡寒江孤鷺。野戍歸

鴻○無窮。詩情盡意。恍天女綃衣。吹落隨風。更瓊觴堪
酌。光泛杯濃。掩映丹崖綠水。縱好手。描繪難工。奈轉眼
繁華夢醒。金碧都空。歲庚申邑爲賊陷。強驅至學宮前。
堅不行。被戕二子。揚烈成烈。咸死於賊家。亦燬余幼從
叔學。每憶繁華夢醒語。猶有餘痛。就余所記。尙有清平
樂云。小窗鶯語。似說春將去。雲節飈輪無覓處。但見一
庭紅雨。○杜鵑何事頻催。韶年一去難追。留得餘芳數
點。還憑燕子銜來。更漏子。云露初凝。風漸起。月到碧天
如洗。深夜夢。少年心。沉吟誤到今。○秋將盡。愁難整。更
被笛聲勾引。千重水。萬重山。征人何日還。餘與詩文胥

歸劫火矣邑陷時族之殉難者從叔候選巡檢

汝楫

從

九品銜

霖

從兄前浙江海鹽縣典史

文炳

從弟

壽然

監

生

粹然

伯祖妾宋氏叔祖母王氏汪氏陳氏羅氏伯母

張氏龔氏孀母周氏鄒氏趙氏叔妾曹氏從兄嫂張氏

陶氏孫氏弟妻鄧氏從妹大寶二寶細寶或身膺白刃

或縊或投水非先期遠避者均相率就義余亂後旋里

爲報忠義局請卹並綴名氏於此以存其概

咸豐十年春杭州陷賊僅數千耳甫三日江蘇兵至遂

遁未大創也次年冬復糾數十萬人至鑿長塹於外圍

而不攻時江蘇全省與浙之嘉嚴各郡已爲賊踞江閩

援兵不能前城中困守兩月餘食盡復陷余姑夫楊子
宣適在圍城與妾陳氏同罹白刃姑夫名炳江西新城
人幼孤力學屢應京兆試不第由謄錄敘勞官直隸庫
使擢雲南知縣改浙江方以同知需次所刊惜味齋詩
與未刊詩詞悉成灰燼幸余姑先一年來閩獲免於難
今僅記山花子一闕云宛宛螢飛照綺疏輕衫新換薄
羅襦閒看雙星情脈脈夜涼初○銀鳳調簧笙語澀玉
虬催箭漏聲徐留得一丸無用月伴人孤在姑夫大節
凜然固不必以詞重第念亂後一命以上殉難者已不
知若干萬人名氏之長留與否正未可定耳

賊之陷吾邑也。余妹瑤真方居鄉，不十日賊至，懼被辱，囑妹婿周準之奉母遠避，自投屋後邵家池死。準之名建標，嶺山觀察。鎬孫爲文喜僻澀，愛書古字，致屢試不售，入貲得光祿寺署正。衡家濱太湖，匿跡年餘，未蓄髮，爲賊所脅，遂託疾絕粒而亡。其母亦卒。妹名叔媛，幼知書，能詩，每經準之改，至晦不可解，尙記其小詞二闕，乃余所點定，以非準之所嫻也。十六字令云：聽。窗外如何月有聲。寒無寐。風雪正三更。冬月有懷兄妹。桂殿秋云魚信斷。雁行疏。蠟梅香裏歲將徂。停針自起推窗望。寒照亭亭恰午餘。妹於女兄弟中最柔懦，不意見危授命。

勇決如此

余女兄弟四人姊早亡姊夫顧叔梅灝官山左遇賊受

傷成廢而歿次妹卽瑤真三妹壻楊心淵祖學工詩善

畫兼通申韓學已酉庚戌間浪遊江浙無所遇適有以

松風蕉雨圖囑題者賦解珮令云雨聲未已風聲又起

最無聊者般天氣浪跡年年慣聽向吳頭楚尾更休題

聯牀擁被○松濤如沸蕉陰如洗卻輸君畫中高致靜

掩重門儘篆縷裊殘沈水且消他曹騰一醉迨遊閩中

罄脩脯所入得官府經歷權邵武令擢知縣居父喪復

理舊業客漳州府廨同治三年粵匪李世賢由江右竄

閨日行三百里。哭躡漳郡心淵。陷城中致書於外。思爲
內應。謀泄受禍甚慘。生平手跡百無一存。卽酒樓笙館
中舊所塗抹。如題珊珊校書。醪醑香夢圖。祝英臺近云
燕飛慵。鶯語倦。花信過將半。擬倩游絲。悄把好春綰。爭
禁開到醪醑。聽殘鷓鴣。早韶景暗中偷換。○綺闌畔。幾
回夢覺銀屏。未語意先嬾。一抹眉痕。淡比遠山遠。生憎
彩筆拈來。輕綃染徧。總難把。冷香偎暖。又爲青雲校書
繪羅帳。罷熏詞意。戲題琴調。相思引云。金屑檀槽撥未
終。溼雲新斂。月方中。鴛鴦雙枕。今夜與誰同。○襟上酒
痕凝淺碧。尊前粉靨暈微紅。暗思何事。感損小眉峰。已

未災時先被祝融攝去尤可哀已

道光庚子陶彙薌宗伯分巡荆南延姚春木爲龍山山
長蔡邃椽宰江陵沈秋卿任讞事徐季雅沈花農王子
壽咸在幕府用因難二字韻賦詩唱酬一時風雅爲盛
余方銜卹南下不及預諸君各唁以詩亦不克和逮癸
卯重至荊州宗伯已移節齊安邃椽被劾去子壽館江
夏季雅南歸花農秋卿均下世惟春木歸然尙在挑燈
話舊彼此愴然春木方和陶詩卽用答龐參軍韻賦詩
見贈並示所著灑雪詞如食哀梨清脆無比惜匆匆言
別祇錄十餘闕復經遺失無可追求春木名椿晚號樗

寮居婁縣未弱冠卽游姚惜抱王蘭泉二公門才名籍甚詩筆尤俊偉余最喜其峽中作山形鬱無情水力森有稜句蜀道奇險盡十字中古文亦不失惜抱薪傳顧以國子生終所刊通藝閣詩錄均四十以前作文集乃用活字板排印僅數百部其國朝文錄張詩船司空已刻之關中詞與國朝儒學案聞尙未梓不知後人能寶藏弗墜否余輯詞補獨遺春木詞心殊悵悵僅於張仲雅明府三影閣箏語中見其題詞調寄綺羅香云紫玉輕敲紅牙淺招唱出傷心如此陌上歌殘又惹竹西清吹玉鈎斜殿腳三千玉簫聲橋頭廿四爲張郎風

貌年年。絲絲楊柳也憔悴。○蕪城無限別緒。還有莎堤
舊色。青招歸思。秦女高樓。莫更緊。櫳纖指。祇恐他。彈徹
銀箏。終不抵。串成珠字。再休教。腸斷方回。江南梅雨膩。
嘗鼎一臠。可知全味。

詞至南宋而極工。然如白石夢窗草窗玉田皆胥疏。江湖
故語多婉篤。去北宋疏越之音遠矣。我朝竹垞太史
常言小令當法五代。故所作尙不拘一格。逮樊榭老人
專以南宋爲宗。一時靡然從之。遂成浙派。獨吾鄉諸老
不隨俗轉。余家有柳外詞一卷。爲陽湖沈鹿坪大令作。
更漏子云。人未來。春又去。禁得幾番風雨。簾櫳悄。漏聲

遙將眠魂暗銷。○燈花好。知何兆。應有夢兒來到。纔合
眼。又驚回。城頭畫角催蝶戀花云。一縷紫簾香篆瘦。貪
看冰輪。忘卻添金獸。坐到夜深涼意透。滿身花影將人
覆。○水浸空庭明似晝。藻荇交橫。光景渾如舊。記得年
時同賭酒。酒寒偎暖雙紅袖。轆轤金井云。小窗岑寂。最
堪憐。那更晚來微雨。滴入蕉心。做秋聲如許。寒蛩絮語。
似依約。訴人離緒。閃盡孤燈。熏將賸被。教人怎處。○樓
頭又頻敲畫鼓。記當時醉後。猶唱金縷。同倚斜闌。正歡
情無數。飛瓊伴侶。看不厭。遠山眉嫵。誰道而今。迢迢永
夜。總成虛度。雜諸樂章集。幾不能辨。又竹軒詞二卷。爲

李玉陛司馬作菩薩蠻云東風乍染青青柳。休教攀折離人手。嫩綠未成陰。幾絲春意侵。○黃鸝棲不住。畢竟還飛去。欲去不勝情。頻啼三兩聲。點絳脣云綠密紅稀。翠陰深處鶯聲巧。暮煙橫罩。又是黃昏了。○風雨更番。花徑無人掃。春將老。暗愁多少。滿目萋萋草。憶秦娥云東風定。雲收天上開金鏡。開金鏡。一襟離思。半庭花影。○孤燈欲炷醒初醒。無聊最怕三更近。三更近。瑣窗倚暖。繡衾閑冷。大令名鍾乾隆戊子舉人官屏南知縣罷官後賣文自給久之乃得歸司馬名荃乾隆戊寅舉人官廣平同知家居宜興詞亦不失烏絲風格均未百年

名氏翳如可慨已

竹軒詞中附錄獻縣旅舍無名氏題壁金縷曲云百事
今宵且只匆匆提壺覓飲酒錢須假千里平沙飛雁路
容易竹籬茅舍更難得紙窗瀟灑坊就新泥剛半壁趁
蛛絲牽網參差寫銀燭度似年夜○彈箏莫問春人冶
儘樽前一雙紅袖豔歌俊雅陸弟吳郎偏昵酒蛺蝶狂
蜂亂惹偷捲幕月光如瀉老我風情隨歲減歎前生曾
是銷魂者依約聽玉釵卸浪淘沙云銀燭迴淒清孤影
伶俚客途難得是新晴孤負錦衾眠未穩催賦宵征○
莫辨是前程幾點晨星黃沙直與曉雲平見說一春無

燕子。莫問流鶯。二詞似非一時作。惜未署名。

余所見專輯本朝人詞者。前有宜興蔣京少瑤華集。後有華亭姚蒞汀詞雅。吳江沈時棟吳門蔣重光二家詞選。均不免雅俗糅雜。惟青浦王蘭泉司寇

國朝詞綜選擇最爲美備。然其書成於嘉慶初元。迄今已六十餘年。卽乾嘉以前亦多遺漏。余念兵燹後文字摧殘不少。詞雖無適於用。亦一時風雅所繫。爰就耳目所及。凡司寇未入選而其人堪論定者。彙錄爲

國朝詞綜補六十卷。計得一千二百餘家。生存各家未忍屏置。亦仿王氏例。彙爲二集。十二卷。終以僻處海澨。

蒐羅未廣爲憾聞吳縣戈寶士明經載有續絕妙好詞

嘉善黃霽青太守安濤有續詞綜之輯所采定多佳什

覓其書不獲周季貺司馬云戈氏詞未刊黃氏詞續係

藏黃韻珊大令憲清家亂後存否未由知矣太守著述

余祇見詩娛室詩集與靈芬館詞話所錄摸魚兒一闕

而已大令官楚中有倚晴樓詞余亦未見僅於陸定園

廣文冷廬雜識中見其浪淘沙云秋意入芭蕉不雨瀟

瀟閑庭如此好良宵月自纏綿花自媚人自無聊○別

恨幾時銷認取紅綃鳳等音苦雁書遙醒著欲眠眠著

醒燈也心焦其風情可想

寶士一字順卿居蘇之楓橋家饒於貲兼有園亭之勝
故得專力於詞與元和朱西生綬長洲沈閏生傳桂諸

君爲吳門七子所著翠薇花館詞多至十卷中如搗練
子云情脈脈意慙慙落盡梨花不捲簾燕子自來還自
去一腔心事付眉尖清平樂云梨花庭院攪入楊花亂
春晝漸長春漸短瘦卻東風一半○數殘廿四番風階
前怨碧愁紅最是多情蝴蝶雙飛猶繞花叢飲蘭水榭
觀荷聽隔牆度曲金錯刀云芳鵲薄好風柔參差碧玉
度高樓曲中可是歌無悶花下空教憶莫愁○香氣冷
水聲幽瑤天畫出碧雲秋不知螺黛曾顰否片片紅衣

點渡頭。數詞最佳他未能逮

翠薇花館集中多附同人唱和詞吳縣沈芷橋

延昭燕

泥天香云花雨黏紅。芹莎潤翠。差池舊壘。營早。椒壁霏
香。杏梁葺暖。點點新痕留爪。睇煙銜處。有瓊屑。飄空風
悄。幾點絨絲怕浣。頻教繡牀移了。○雙棲羨伊計好。認
紅襟。沾來偏少。還與筠筐承取。周妨先到。別有樓深簾
窈。和隔歲歌塵冷。誰掃。夢熟香窩。應依海嶠。吳清如部
曹

嘉注

落葉霜葉飛云。昨宵翦燭驚殘夢。蕭蕭窗外催

響。早離庭樹下。空階無分棲簾幌。料望斷。楓灣荻港。人
家寒徑。迷深巷。更細草斜陽。送獨客。秋心碎盡。馬蹄原

上。○空憶繡幕鈴懸。鶯棲夢穩。楊花翻笑飄颻。一般憔悴到籬根。和月和煙葬。怨不似深紅淺絳。飛來還得高樓傍。算夜深辭風雨。了卻前番。聽伊惆悵。沈閨生大令。苔痕露華云淚。香萬點。過幾番。細雨潤綠還妍。離宮夢曉。玉階人。去年年。是處落紅飛滿。襯華茵。暗蝶飄煙。弓履滑。露珠涼沁。誰倚欄邊。○閑自摩挲古石。想廢井荒碑。密字曾鐫。芳叢霧溼。舞塵濃澀。羅鈿淺。暈晴暉陰薄。傍空牆。草碧侵簾。幽徑小。啼蛩暮寒可憐。草色眉嫵云看濃。連深樹。細襯平蕪。煙外夕陽滿。獨去憑闌望。江南路。游驄誰在芳岸。暝雲自轉。想綠波天際同遠。漫回首。

幾點紅心凝正無語淒斷。○還共青袍低卷。寄豔愁何處。水淚空染。如此銷魂地。汀洲晚。香痕難采。幽怨舊時翠館。但蝶飛花舞零亂。怕秋雨荒原。詩夢冷。倍淒黯。朱西生孝廉斜陽齊天樂云。韋郎吟鬢看如此。無言自成幽抑。淡抹危牆。寒侵遠浦。幾處管絃催夕。憑闌望極。漸天影昏黃。霽雲濃寂。粉豔金淒。六朝多少舊山色。○嬋娟尙憐暮節。玉釵低度曲。芳草先歇。井廢沉煙。樓高墜露。惟有一痕愁碧。西風漸急。莫渭水長流。照人離別。暗數流光。戍亭聞夜笛。吳縣沈雲門孝廉沂曾秣陵秋感齊天樂云。衫痕碧浣。秦淮水。愁心坐凝孤悄。蟬唱新涼。

蛩吟暗雨。併入琵琶淒調。雲英嫁早。蕩一桁疎簾。盡樓
人杳。山髻青青。六朝金粉。賸多少。○秋潮又添。哽咽。冷
煙渾似夢。飛墜林杪。打槳尋花。吹簫倚玉。不是舊時懷
抱。垂楊易老。但一度西風。一番斜照。莫凭紅闌。鬢絲驚
換了。咸具逸致。不殊笙磬同音。

柯心蘭女史

綴秋

余友陳紫筠司馬

汝枚

室膠州易堂

大令

培元

女幼承家學。好韻語。著有香芸閣賸稿。詞非

所習。僅附虞美人一闕。云夢回頻聽春雞唱。催得銀屏
亮。牽幃生怕曉寒侵。祇覺朝來難撇。是鴛衾。○庭前五
樹枝相向。日影雕闌漾。隔牆風送賣花聲。不道柳絲搓

就又清明。女史年未四十亡。紫筠亦工詩。顧間關戎馬。以武功擢權泰甯令。卒於任。傳其歿後爲邵武城隍神。或疑陰間取才與陽世殊。余謂紫筠生平不矜細行而中懷坦白。無機械心。其所以得爲神歟。